

Txirritola

ARAMAIO / Barikua / 2003ko ekainaren 27a / 70. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

II. Uda Ikastaroetan Euskal Herria aztertuko dute

UBANE MADERA

Datorren astean, Udako Ikastaroak izango dira. Diputazioak eta Udalak antolatuta, eta hemengo unibertsitatearen laguntzarekin, Euskal Herria eta inguruak aztertuko dituzte.

Martitzenean hasi eta barikura arte, aurreneko mendetik hamargarrenera arteko Euskal Herria eta inguruko lurraldeak aztertuko dituzte kultura etxean. Euskal Herriko, Espainiako eta Frantziako zenbait unibertsitateko adituak etorriko dira horretarako. Hala, bigarren urtez, Udako Ikastaroak egingo dituzte Aramaion; Diputazioaren eta Aramaio Udalaren eskutik eta Euskal Herriko Unibertsitateak lagunduta. Eskolak 16:00etan hasiko dira eta 20:00etan bukatu.

MARTITZENA ETA EGUAZTENA

Martitzenean euskal literatura izango da berbagai. Kantabriako Unibertsitateko Jose Luis Ramírez Sádbak eta Bartzelonako Unibertsitateko Javier Velazak emanngo dituzte eskolok.

Eguaztenean, berriz, hiru eskola izango dira; hirurak EHUko maisuen eskuetatik. Antzina-



laz Europako hizkuntzak aztertu zituzten ikastaroetan.

te berandua Mendebaleko Hego Euskal Herrian, kristautasunaren sorrera eta Euskal Herria IV.-VII. mendeetan aztertuko dituzte Agustin Azkarate, Juan Jose Larrea eta Roldan Jimeno irakasleek.

EGUENA ETA BARIKUA

Eguena izango da egun internazionalena. Izan ere, Euskal Herriko, Madrilgo eta Bordeleko irakasleak izango dira Aramaion. EHUko Julio Núñezek Mendebaleko Pirinioaldea aztertuko

du; Bordeleko Philippe Aragausek Antzinate berandutik Erdi Aro feudalerako arteko Akitaniako hirien gainean egingo du berba; eta Madrilgo Complutenseko Ramon Santiagok erromantzeen lehen urratsak aztertuko ditu.

Bukatzeke, barikuan, Joakin Gorrotxategik I.-X. mendeetan izandako hizkuntzen eraginaren gainean egingo du berba; Joseba Lakarrak Aitzineuskara izango du berbagai; eta Henrike Knörrrek Joan Coromines hizkuntzalaria izango du irakasgai.



Jende gutxi, baina giro aparta

Etorri eta joan. Hala egin dute Azkoagan Sanjuanek. Baina bidean oroitzapen polita utzi dute. Azkoagarrak esandakoaren arabera, jende gutxi ibili da, baina oso giro onean. Zapatuko aforria, adibidez, primerakoa izan zen; batez ere, gauean ederto egoten zelako kanpoko freskotasunean. Giro horretan, gustura asko jan zituzten parrillan prestatutakoak. Astelehen iluntzean, berriz, sardinak eta txorizoak jan zituzten suaren ordua itxaron artean; martitzenean, goizeko ekitaldien ostean, karta jokokin amaitu zuten eguna, eta eguaztenean meza izan zuten.

HERRITARREN HITZA / Arantza Ibabe • Langilea

Aurrerabidea

Banandoan duela hiruzpau aste, aspalditik joan barik, dena esan beharra dago, horra, behe aldera; bai horrelaxe deitzeko ohitura dago aramaioar batzuen artean Mondragoetik hasi eta kostaldera bitarteko herriei.

Bueno esaten hasi eta galdu egin naiz *bidean!* Hau da hau marka! Bergararantz heltzeaz nengoela, hara non ikusten dudana sekulako munstroa nire goiko aldean! Eibar-Gasteiz *autobidea* zela esan zidaten.

Laster, herriak *biñe* azpitan geratuko zaizkigu; eguzkia, ilargia, zerua eta gainerako edertasun guztiak ikusi ezin ditugula.

Bai, autoz aurreratzeko *bide* egokia izango da, duda izpirik ez. *Aurrerabidea* ere eiz da, horretaz ordea, zalantzan nago. Izan ere, zer da *aurrerabidea*?

Parisera bi ordutan heltzea Abiadura Handiko Trena hartuta?

Abiadurak balio handia du gizarte honetan, bizitzako atal guztietan gainera, dena lehenbailehen egin beharra dago. Jakina, hainbestearinoko presaz ez diogu *bizibideko* paisaia guztiei erreparatzen. Agudoa-



"Gure etxea kakazten gabiltza gizakiok"

go joatearren ordaindu beharko dugun prezioa? Batek daki!

Txakurrek, lotuta egon ezean behintzat, ez eiz dute sekula lo egiten duten lekuan euren nezesidaderik egiten. Euren etxea ondo zaintzen omen dute. Bada, guk izaki bizidunetatik inortxok egiten ez duena gabiltza burutzen: gure etxea kakazten! *Aurrerabidearen* izenean nonbait.

Nork, norentzat eta zertarako proposatu du *aurrerabidea*? Zer ote dago galdera guzti

hauen atzetik...

Ene uste apalean *aurrerabide* hau *bidegabekeria* besterik ez da.

Seriotasuna alde batera utzita espazio hau aprobetxatu gura dut bi elkarte-edo zoriontzeko. Zorionak, Realari eta Realzaleoi. Bigarren geratu arren zaletuok urte osoko bidean disfrutatu duzelakoan nago.

Eta zelan ez, zelan ez, *Berria* egunkari berrian lanean diharduzuen guztioi. Zuen ahalegina eskertzekoa da.

Eta, hainbeste *bide* gora *bide* behera, bada, *aurrerabidearen* izenean, hurrengo geltokira arte lagunok.

LABUR

Ondasun Higiezinaren Gaineko Zerga

Aramaio Udalak jakinarazi digunez, Hiri eta Landaluren Ondasun Higiezinaren Gaineko Zergaren ordainagiriak uztailearen 1etik 31ra arteko lanegunetan (biak barne) ordaindu behar dira, borondatez. Ordainketok Nardeaga kaleko Vital Kutxaren bulegoan egin daitezke. Helbideratuta dauden ordainagiriak, berriz, uztailearen 10ean kobratuko dituzte.

Behin aipatutako borondatezko epea pasatu eta gero, ordaindu bariko kuotak %20ko gaitz gaitz kobratuko dituzte.

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuliako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

OHARRAK

AUTOBUS ZERBITZUA

San Martinak direla-eta, datorren barikuan, hilaren 4an, 18:00etatik aurrera eta astelehenean, hilaren 7an, egun osoan, autobusa saihesbidean geratuko da (Iturroste gainean).

BRISKA ETA MUS TXAPELKETA

Uztailaren 5ean, zapatuan, 16:30ean jokatu den briska eta mus txapelketetan parte hartzeko izena uztailaren 3a baino lehen eman beharra dago. Interesa duenak udaletxean edo Alaiak elkartearen eman behar du izena.

HERRI AFARIA

Jaietan egingo duten herri afarian parte hartzeko txartelak tabernetan daude salgai.

MINBIZIA DUTENEN BAZKARIA

Datorren uztailaren 5ean, zapatuan, minbizia duten Gipuzkoako eta Arabako umeen elkarteko kideek festa egingo dute Untzillan: 10:30ean luntxa izango duza; gero, hildakoen aldeko meza (Aretxabaletako abesbatzak kantatuko du); eta bukatzeko, Untzilla elkartearen bazkaria egingo dute.

Jarraikortasunaren alde egingo du Bañerak

UBANE MADERA

Aurtengo denboraldia bukatu dute Bañerako talde guztiek. Denetariko emaitzak lortu dituzte. Etorkizunari begira, jarraikortasunaren alde egingo dutela adierazi digu Bañera taldeko presidentek. Baita jokalarien gurasoen laguntza lortu gura dutela ere, entrenatzaile edo ordezkari izateko.

Joan den zapatuan jokatu zuen Bañerako gazte mailako taldeak denboraldiko azkeneko partidua, eta 3-2 irabazi zion Aurrera taldeak. Hala, sailkapenaren erdi inguruan geratu dira Liga Txapelketan. Eta Kopa Txapelketan, berriz, apur bat beherago. Horren hari-eta, Bañerako presidente Josu Bideburuk esandakoaren arabera, leku horren arazoietako bat da, besteak beste, Gasteizko taldeen kontra jokatu dutenean, epaileek gasteiztarren alde egin izan dutela, Juan Jose Arias Robledo entrenatzailearen haserretako. Hain zuzen, datorren denboraldiari begira, antzerakorik gertatuz gero, kezu formala egingo dutela adierazi digute. Bestalde, taldeari begi-

ra, hiru jokalarik utzi egingo dute, adinez nagusiegiak direlako, eta haien ordezkari kadeteetako mutilen taldeko hiru lagun sartuko dira.

NESKA ETA MUTIL KADETEAK

Hain zuzen, kadete mailako mutilen dagokienez, hirugarren lekuan geratu dira. Bañerako hiru taldeen artean progresio handiena izan duen taldea da; progresio ikusgarria, Bañerako presidentearen iritziz. Gainera, taldeko entrenatzaile Alberto Untzaluk esan digunez, batez beste partiduko 10 gol sartu dituzte kadeteek. Datorren denboraldirako talde berak segituko du, Alberto Untzalu eta Txumai Palomeroren gidaritzapean.

Eta, neskei dagokienez, sailkapenaren behealdean geratu dira, baina iazkoarekin konparatuz gero, partidu gehiago irabazi eta berdindu dituzte. Hain zuzen, atezain egokia topatu izanak (Lorea Oianguren) asko lagundu die horretan. Datorren denboraldian, gainera, beste hiru neska sartuko dira taldean, eta Jorge Núñezek gidaritzapean segituko dute.

Hortaz, etorkizuna badu Bañera taldeak, baina laguntza behar dutela ere esan digu presidentek.



Bukatu da Pilota Txapelketa

Joan den barikuan (hilak 20) jokatu zituzten Bareak antolatutako Pilota Txapelketako finalak. Hala, txikien mailan Raul-Ekain 22 / Senar-Mikel 16 izan zen emaitza eta nagusiagoen mailan, Igor-Iker 22 / Bingen-Iñaki 17. Horren hari-eta, Enrike Axpe entrenatzailearen esanetan, Bingenek eta Iñakik egundoko partidua egin zuten, baina Igorrek neurria hartu eta 22raino joan ziren Igor eta Iker. Partiduen ostean, trofeoak eman zizkieten irabazleei eta Euskadiko Kutzak emandako opariak txapelketan parte hartu duten guztiei. Oro har, Barea taldekoak oso pozik daude txapelketaren emaitzarekin, eta jende dezente ibili dela esan digute, batez ere finalean. Aurrera begira, berriz, San Kristobal egunean-edo txapelketaren bat egitekotan dabilta. /ARGAZKIA: LUIS MARI

LABUR

Aramaioko osasun etxearekin lotutako pare bat ohar

Aramaioko osasun etxeko medikuarekin edo erizainarekin zuzenean berba egiteko telefono zenbakia aldatu egin dute. Hemendik aurrera honako hau erabili beharko da: 945 44 59 25. Gainerakoek berdin segitzen dute. Txanda eskatzeko: 945 44 53 40; faxa: 945 44 54 00; eta larrialdietarako: 943 46 11 11. Bestalde, jaiak direla-eta, uztailaren 7an itxita egongo da ambulatorioa. Egun horretan mediku edo erizain zerbitzuaren beharra izanez gero, 17:00ak arte Arrasateko ambulatiora joan beharko da; eta hortik aurrera, larrialdietara.

Euskara ikasteko eta UEUko ikastaroetan parte hartzeko dirulaguntzak

Euskara ikasi edo landu gura duten herritarrek dirulaguntza jasoko dute Udalaren eskutik. Euskara ikasteko matrikularen %80 ordainduko diete, baina %80ko asistentzia justifikatu beharko da. Uztailaren bukaera baino lehen eskatu beharko da laguntza. Bestalde, Udako Euskal Unibertsitatean parte hartu gura duenak matrikularen eta egoitzaren kostuaren %80ko laguntza jasoko du. Kasu horretan, ordainagiria, programa eta parte-hartze ziurtagiria aurkeztu beharko dira. Laguntzok irailaren 15a baino lehen eskatu behar dira.

Uztailaren 2an, eguaztenean, eratuko dituzte Aramaioko Udaleko batzordeak

Osoko bilkura egingo du udalbatzarrak, betiko moduan, 18:00etan hasita. Besteak beste, jakinaraziko dute zeintzuk izango diren Udaleko batzordeetako buruak (hirigintza, zerbitzuak, kultura, euskara/hezkuntza, ogasuna eta mendiak); baita gainerako lanak egiteko arduradunak zeintzuk izango diren ere. Oro har, Udaleko funtzionamenduaren berri emango dute.



Arragan, San Pedro eta San Pablo

Azkoaga auzoko jaiak Aramaioko gainerako auzoetako jaien txupinazoa direla esan dezakegu. Izan ere, haien ostean, bihar, zapatua, Arragako San Pedro eta San Pablo jaiak izango dira. Iker Olaziregi auzo-alkateak kontatutakoaren arabera, eguerdiko hamabietan auzoko hildakoen aldeko meza izango dute; gero, Lagun Artean dantza taldearen saioa egongo da; eta, bukatzeko, luntxa egingo dute auzotarrek Arragara doazenendako: txorizoa, gazta, eta abar dastatzeko aukera egongo da, eta "iturritik ura gura adina", auzo alkatearen esanetan. Gaineratu digu Arragako jaiak apalak direla, ez dutelako dirulaguntza handirik jasotzen, beste auzoetan baino jende gutxiago dagoelako.